



十有三年

春齊師伐莒

夏楚子伐宋

秋螽

冬晉殺其大夫先穀

十有四年

春衛殺其大夫孔達

夏五月壬申曹伯壽卒。晉侯伐鄭

秋九月楚子圍宋。葬曹文公

冬公孫歸父會齊侯于穀

十有五年

春公孫歸父會楚子于宋

夏五月宋人及楚人平

稱人與也稱相言無罪人之義

六月癸卯晉師滅赤狄潞氏以潞子嬰

兒歸。秦人伐晉 王札子殺召伯

毛伯

秋螽 仲孫蔑會齊高固于無婁 初稅

畝 志安法之始其後亦甲用田賦至於一猶不足則曰宣公畝之也

冬蟪生 饑

十有六年

春王正月晉人滅赤狄甲氏及留吁

夏成周宣榭火

秋邾伯姬來歸

冬大有年

十有七年

春王正月庚子許男錫我卒 丁未蔡侯

申卒

去國盟新道書同志  
同欲冬欲謀民齊一笑  
釀兵局小大無殊心憤  
怒難休書

夏葬許昭公 葬蔡文公

六月癸卯日有食之 己未公會晉侯

衛侯曹伯邾子同盟于斷道

秋公至自會

冬十有一月壬午公弟叔貜卒

十有八年

春晉侯衛世子臧伐齊 公伐杞

夏四月

秋七月邾人戕郕子于郕 甲戌楚子旅

卒。公孫歸父如晉

冬十月壬戌公薨于路寢 歸父還自晉

至笙遂奔齊

成公

元年

春王正月公即位

二月辛酉葬我君宣公 無冰 寒極而無冰常

三月作丘甲 蓋兵備敵重困由民非保國之道也

夏臧孫許及晉侯盟于赤棘

煥也故  
馳之象

秋王師敗績于茅戎

冬十月

二年

春齊侯伐我北鄙

夏四月丙戌衛孫良夫帥師及齊師戰于

新築衛師敗績

六月癸酉季孫行父臧孫許叔孫僑如

公孫嬰齊帥師會晉卻克衛孫良夫

曹公子首及齊侯戰于鞏齊師敗績

秋七月齊侯使國佐如師己酉及國佐盟

于袁婁

及欲盟者曾也書曰及見曲直之繩也

八月壬午宋公鮑卒

庚寅衛侯速

卒取汶陽田

冬楚師鄭師侵衛

十有一月公會楚公子嬰齊于蜀 丙

申公及楚人秦人宋人陳人衛人鄭

人齊人曹人邾人薛人鄆人盟于蜀

三年

春王正月公會晉侯宋公衛侯曹伯伐鄭  
辛亥葬衛穆公

二月公至自伐鄭 甲子新宮災三日  
哭 乙亥葬宋文公

夏公如晉 鄭公子去疾帥師伐許 公  
至自晉

秋叔孫僑如帥師圍棘 大雩 晉卻克  
衛孫良夫伐廡咎如

冬十有一月晉侯使荀庚來聘 衛侯使

孫良夫來聘丙午及荀庚盟丁未及  
孫良夫盟 鄭伐許

四年

春宋公使華元來聘

三月壬申鄭伯堅卒 杞伯來朝

夏四月甲寅臧孫許卒 公如晉 葬鄭

襄公

秋公至自晉

城鄆 鄭伯伐許

五年

春王正月杞叔姬來歸 仲孫蔑如宋

夏叔孫僑如會晉荀首于穀 梁山崩

秋大水

冬十有一月己酉天王崩

十有二月己丑公會晉侯齊侯宋公衛

侯鄭伯曹伯邾子杞伯同盟于蟲牢

六年

春王正月公至自會

二月辛巳立武宮 取鄭 衛孫良夫

帥師侵宋

夏六月邾子來朝 公孫嬰齊如晉 壬

申鄭伯費卒

秋仲孫蔑叔孫僑如帥師侵宋 楚公子

嬰齊帥師伐鄭

齊魯而即華是也魯善也氏之為不義

冬季孫行父如晉 晉欒書帥師救鄭

七年

春王正月鼯鼠食郊牛角改卜牛鼯鼠又

字書及地之也百與宋無隙聽命於晉不待已焉將能三乎

每十而百格也因而聖而此降文也次子陸而屈六元服也金會黃黃而鄭不叛也武子不遠戰而知亦成戰仁人之王者三事其大

言救則世罪豈明耶  
能救世者而能救世者亦  
有之大也無辰不待辰  
也

策士與才俱為敵國  
庸武子能後善師者不  
戰功獲後與申願矣  
用德析公

吳初伐鄭既不能救及其  
既成也三獲已也伐之晉義  
于魯為不可後獲全而  
不救違其不能之可知  
矣

食其角乃免牛 吳伐鄭

夏五月曹伯來朝 不郊猶三望

秋楚公子嬰齊帥師伐鄭公會晉侯齊侯

宋公衛侯曹伯莒子邾子杞伯救鄭

八月戊辰同盟于馬陵 公至自會

吳入州來

冬大雩 衛孫林父出奔晉

八年

春晉侯使韓宣子來言汶陽之田歸之于齊

左曰初程如范也  
追叙後角之事

晉欒書帥師侵蔡 公孫嬰齊如

莒 宋公使華元來聘

夏宋公使公孫壽來納幣 晉殺其大夫

趙同趙括

秋七月天子使召伯來賜公命

冬十月癸卯杞叔姬卒 晉侯使士燮來

聘叔孫僑如會晉士燮齊人邾人伐

邾 衛人來媵

九年

吳故



晉不及宋諸已信信謂義以補前愆而安而見鬼神以爲示之是後事於末而不亦其本特言用明無以罪晉也

按左傳林之公重賂宋而鄭伯公之是也惟利是夜而不為義也

凡城之謀也訊書城中城其為敵守蓋敬天

春王正月杞伯來逆叔姬之喪以歸 公

季文子謂范文子曰德則

會晉侯齊侯宋公衛侯鄭伯曹伯莒

不疑尋盟行

子杞伯同盟于蒲

為歸汲陽之甲而諸侯貳晉故公至自會

之盟也

二月伯姬歸于宋

錄伯姬之賢也

夏季孫行父如宋致女 晉人來媵

秋七月丙子齊侯無野卒 晉人執鄭伯

晉欒書帥師伐鄭

稱人而執非伯討也子重侵陳以救鄭前而不書鄭亦有罪焉耳

冬十有一月葬齊頃公 楚公子嬰齊帥

師伐莒庚申莒潰楚人入郟 秦人

白狄伐晉 鄭人圍許 城中城

十年

春 衛侯之弟黑背帥師侵鄭

夏四月五卜郊不從乃不郊

五月公會晉侯齊侯宋公衛侯曹伯伐

鄭 齊人來媵 丙午晉侯孺卒

秋七月公如晉

冬十月

十有一年

為國以禮有禮險之大用

春王三月公至自晉

晉侯使卻犢來聘

己丑及卻犢盟

夏季孫行父如晉

秋叔孫僑如如齊

冬十月

十有二年

春周公出奔晉

夏公會晉侯衛侯于瑣澤

秋晉人敗狄于交剛

冬十月

十有三年

春晉侯使卻錡來乞師

三月公如京師

夏五月公自京師遂會晉侯齊侯宋公衛

侯鄭伯曹伯邾人滕人伐秦 曹伯

廬卒于師

秋七月公至自伐秦

冬葬曹宣公

十有四年

春王正月莒子朱卒

夏衛孫林父自晉歸于衛

秋叔孫僑如如齊逆女 鄭公子喜帥師

伐許

九月僑如以夫人婦姜氏至自齊

冬十月庚寅衛侯臧卒 秦伯卒

十有五年

春王二月葬衛定公

三月乙巳仲嬰齊卒 癸丑公會晉侯

衛侯鄭伯曹伯宋世子成齊國佐邾

人同盟于戚晉侯執曹伯歸于京師

公至自會

負陽乃大賊晉執誠有辭又不敢自活而歸之京師是之謂伯討書而討以褒之

夏六月宋公固卒 楚子伐鄭

秋八月庚辰葬宋共公 宋華元出奔晉

宋華元自晉歸于宋宋殺其大夫山

宋魚石出奔楚

冬十有一月叔孫僑如會晉士燮齊高無

曹宣公卒於師公子負陽殺其太子而自立會於戚討曹成也

谷宋華元衛孫林父鄭公子鮪邾人  
會吳于鍾離 許遷于葉

十有六年

春王正月雨木冰

著木而水下寒也

夏四月辛未滕子卒 鄭公子喜帥師侵

宋

六月丙寅朔日有食之 晉侯使欒黶

來乞師。甲午晦晉侯及楚子鄭伯

戰于鄆陵。楚子鄭師敗績 楚殺其

倖勝而已

大夫公子側

秋公會晉侯齊侯衛侯宋華元邾人于沙

隨不見公 公至自會。公會尹子

晉侯齊國佐邾人伐鄭 曹伯歸自

京師

魯執之賦釋而君會王從有罪也

九月晉人執季孫行父舍之于茗丘

冬十月乙亥叔孫僑如出奔齊

如晉見其語也

十有二月乙丑季孫行父及晉卻犇盟

于扈 公至自會 乙酉刺公子偃

楚勢方張顯  
遷師于平首攻  
而三國皆失公車  
倖勝所致也

季孫相一王有魯社  
稷臣與齊請蓋執季  
僑如請不行盟也仍  
返國也忱之動人

十有七年

春衛北宮括帥師侵鄭

夏公會尹子單子晉侯齊侯宋公衛侯曹

伯邾人伐鄭 鄭師于首嘉 鄭師于首嘉 伯邾人伐鄭 鄭師于首嘉 伯邾人伐鄭

六月乙酉同盟于柯陵 不曰諸侯尹單之與身曰同 者同畏也

秋公至自會 齊高無咎出奔莒

九月辛丑用郊 晉侯使荀瑩來乞師

冬公會單子晉侯宋公衛侯曹伯齊人邾

人伐鄭 上言同夏楊傳以子申救鄭師于汶上而諸侯還

十有一月公至自伐鄭 壬申公孫嬰

齊卒于狸服

十有二月丁巳朔日有食之 邾子貜

且卒 晉殺其大夫卻錡卻犇卻至

楚人滅舒庸

十有八年

春王正月晉殺其大夫胥童 庚申晉弒

其君州蒲 齊殺其大夫國佐 公

如晉 六月晉民與晉君時分明美政一時舉廢職威得人

公朝始至而聘使歸來  
晉障之木諸侯肅矣此  
列國所以睦叛國所服  
也

救宋義也親出魯力也  
不奪尊卑喪禮也師至  
而楚已退宋不請圍  
彭城先為此盟

獻後楚之亂宋故移師  
伐之皆有救義而行者也  
次於部以待晉而修其  
也

夏楚子鄭伯伐宋 宋魚石復入于彭城

公至自晉 晉侯使士匄來聘

秋杞伯來朝 公以晉君之明語之杞桓公乃驟朝於晉而請為  
晉此見悼公之賢及之勅諸侯之推戴

八月邾子來朝 築鹿囿 己丑公薨

于路寢

冬楚人鄭人侵宋 復納魚石也 晉侯使士魴來乞師

十有二月仲孫蔑會晉侯宋公衛侯邾

子齊崔杼同盟于虛打 丁未葬我

君成公

襄公

元年

春王正月公即位 仲孫蔑會晉欒黶宋

華元衛甯殖曹人莒人邾人滕人薛

人圍宋彭城 楚已取彭城封魚石及之三百乘吳繁之宋  
所以正疆域固封守謹王度也

夏晉韓厥帥師伐鄭 仲孫蔑會齊崔杼曹

人邾人杞人次于訇 傳稱楚之救鄭聖賢制不許鄭  
無可救善楚之不能救義

秋楚公子壬夫帥師侵宋

九月辛酉天王崩 邾子來朝

冬衛侯使公孫剽來聘。晉侯使荀瑩來聘。  
二年

春王正月葬簡王。鄭師伐宋。

夏五月庚寅夫人姜氏薨。

六月庚辰鄭伯踰卒。晉師宋師衛甯

殖侵鄭。晉宋稱師。象將甲也。衛書齊殖將。尊師少也。此聖人王道之權衡。

秋七月仲孫蔑會晉荀瑩宋華元衛孫林

父曹人邾人于戚。己丑葬我小君

齊姜。叔孫豹如宋。

獻子請城虎牢以備鄭。知武曰。吾而諸邦無間。言其協力同心可知矣。

此鄭与楚之往來要地也。城而守之。所以絕鄭於楚也。閔天下之大計。故不繫鄭。

冬仲孫蔑會晉荀瑩齊崔杼宋華元衛孫林父曹人邾人滕人小邾人于戚。遂城虎牢。楚殺其大夫公子申。胡黃鄭系不

三年

春楚公子嬰齊帥師伐吳。公如晉。

夏四月壬戌公及晉侯盟于長檮。公至

自晉。魯君辱稽首寡君滋懼。天言哉。知武言。及尺滴。天子志。故在尊。王與之以知礼。

六月公會單子晉侯宋公衛侯鄭伯莒

子邾子齊世子光。己未同盟于雞澤。

雞澤同病楚諸侯有戒心。書同凡。同欲不緣。單子臨若。論安約罪。訖。取未足深。

陳侯使袁僑如會 戊寅叔孫豹  
及諸侯之大夫及陳袁僑盟

秋公至自會

冬晉荀罃帥師伐許

四年

春王三月己酉陳侯午卒

夏叔孫豹如晉

禮藉乘以將敵問也還其禮於上賜其情於下就樂辨等倫此謂知禮者

秋七月戊子夫人妣氏薨 葬陳成公

八月辛亥葬我小君妣

冬公如晉 陳人圍頓

五年

春公至自晉

夏鄭伯使公子發來聘 叔孫豹鄙世子

巫如晉 仲孫蔑衛孫林父會吳于

善道

秋大雩 楚殺其大夫公子壬夫 公會

晉侯宋公陳侯衛侯鄭伯曹伯莒子

邾子滕子薛伯齊世子光吳人郟人

鄭自輸車以後未有聘問終春秋之世僅見於此則以悼公之盛諸侯之睦也

善道吳稱國會感則稱人未全為王將進易其稱謂消令下有至情往來明



于戚 公至自會

冬戌陳。楚公子貞帥師伐陳。公會晉侯

宋公衛侯鄭伯曹伯齊世子光救陳

十有二月公至自救陳 辛未季孫行

父卒

六年

春王三月壬午杞伯姑容卒

夏宋華弱來奔

秋葬杞桓公 滕子來朝 莒人滅鄆

冬叔孫豹如邾 季孫宿如晉

十有二月齊侯滅萊

七年

春邾子來朝

夏四月三卜郊不從乃免牲 小邾子來

朝。城費

秋季孫宿如衛

八月螽

冬十月衛侯使孫林父來聘壬戌及孫林

父盟 楚公子貞帥師圍陳

。十有二月公會晉侯宋公陳侯衛侯曹

伯莒子邾子于鄆 鄭伯髡頑如會

未見諸侯丙戌卒于鄆 陳侯逃歸

八年

春王正月公如晉

夏葬鄭僖公 鄭人侵蔡獲蔡公子燹

季孫宿會晉侯鄭伯齊人宋人衛人

邾人于邢丘 公至自晉 莒人伐

我東鄙

秋九月大雩

冬楚公子貞帥師伐鄭 晉侯使士匄來

聘

九年

春宋災

夏季孫宿如晉

五月辛酉夫人姜氏薨

秋八月癸未葬我小君穆姜

春秋  
冬公會晉侯宋公衛侯曹伯莒子邾子滕  
子薛伯杞伯小邾子齊世子光伐鄭  
十有二月己亥同盟于戲。楚子伐  
鄭

十年

春公會晉侯宋公衛侯曹伯莒子邾子滕  
子薛伯杞伯小邾子齊世子光會吳  
于柤

夏五月甲午遂滅偃陽。公至自會。楚

公子貞鄭公孫輒帥師伐宋。晉師  
伐秦

秋莒人伐我東鄙。公會晉侯宋公衛侯  
曹伯莒子邾子齊世子光滕子薛伯  
杞伯小邾子伐鄭

冬盜殺鄭公子駢公子發公孫輒。戊鄭  
虎牢。楚公子貞帥師救鄭。公至  
自伐鄭

十有一年

○春王正月作三軍

夏四月卜郊不從乃不郊 鄭公孫舍

之帥師侵宋 公會晉侯宋公衛侯

曹伯齊世子光莒子邾子滕子薛伯

杞伯小邾子伐鄭

秋七月己未同盟于亳城北 公至自伐

鄭 鄭子鄭伯伐宋 公會晉侯宋

公衛侯曹伯齊世子光莒子邾子滕

子薛伯杞伯小邾子伐鄭 會于蕭

魚 公至自會 楚人執鄭行人良

霄

冬秦人伐晉

十有二年

春王三月莒人伐我東鄙圍台 季孫宿

帥師救台遂入鄆

夏晉侯使士魴來聘

秋九月吳子乘卒

冬楚公子貞帥師侵宋 公如晉

十有三年

春公至自晉

夏取邾

秋九月庚辰楚子審卒

冬城防

十有四年

春王正月季孫宿叔老會晉士匄齊人宋

人衛人鄭公孫薑曹人莒人邾人滕

人薛人杞人小邾人會吳于向

二月乙未朔日有食之

夏四月叔孫豹會晉荀偃齊人宋人衛北

宮括鄭公孫薑曹人莒人邾人滕人

薛人杞人小邾人伐秦 己未衛侯

出奔齊 莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭

公孫薑莒人邾人于戚

十有五年

春宋公使向戌來聘二月己亥及向戌盟于劉 劉夏逆王后于齊

夏齊侯伐我北鄙圍成 公救成至遇 季孫宿叔孫豹帥師城成郛

秋八月丁巳日有食之 邾人伐我南鄙冬十有一月癸亥晉侯周卒

十有六年

春王正月葬晉悼公

三月公會晉侯宋公衛侯鄭伯曹伯莒

子邾子薛伯杞伯小邾子于溴梁

戊寅大夫盟 晉人執莒子邾子以

歸 齊侯伐我北鄙

夏公至自會

五月甲子地震。叔老會鄭伯晉荀偃

衛甯殖宋人伐許

秋齊侯伐我北鄙圍成 大雩

冬叔孫豹如晉

十有七年

春王二月庚午邾子貜卒 宋人伐陳  
夏衛石買帥師伐曹

秋齊侯伐我北鄙圍桃齊高厚帥師伐我  
北鄙圍防

九月大雩 宋華臣出奔陳

冬邾人伐我南鄙

十有八年

春白狄來

夏晉人執衛行人石買

秋齊師伐我北鄙

冬十月公會晉侯宋公衛侯鄭伯曹伯莒  
子邾子滕子薛伯杞伯小邾子同圍  
齊 曹伯負芻卒于師 楚公子午

帥師伐鄭

十有九年

春王正月諸侯盟于祝柯 晉人執邾子

公至自伐齊 取邾田自濼水

季孫宿如晉 葬曹成公

夏衛孫林父帥師伐齊

秋七月辛卯齊侯環卒 晉士匄帥師侵

齊至穀聞齊侯卒乃還

八月丙辰仲孫蔑卒 齊殺其大夫高

厚 鄭殺其大夫公子嘉

冬葬齊靈公 城西郭 叔孫豹會晉士

匄于柯 城武城

二十年

春王正月辛亥仲孫速會莒人盟于向

夏六月庚申公會晉侯齊侯宋公衛侯鄭

伯曹伯莒子邾子滕子薛伯杞伯小

邾子盟于澶淵

秋公至自會 仲孫速帥師伐邾 蔡殺

其大夫公子燮蔡公子履出奔楚

陳侯之弟黃出奔楚 叔老如齊

冬十月丙辰朔日有食之 季孫宿如宋

二十有一年

春王正月公如晉 邾庶其以漆聞丘來



奔

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之 曹伯來朝

公會晉侯齊侯宋公衛侯鄭伯曹伯

莒子邾子于商任

二十有二年

春王正月公至自會

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒

子邾子薛伯杞伯小邾子于沙隨

公至自會 楚殺其大夫公子追舒

二十有三年

春王二月癸酉朔日有食之

三月己巳杞伯白卒

夏邾畀我來奔 葬杞孝公 陳殺其大

夫慶虎及慶寅 陳侯之弟黃自楚  
歸于陳 晉欒盈復入于晉入于曲沃

○秋齊侯伐衛遂伐晉

八月叔孫豹帥師救晉次于雍榆 己卯仲孫速卒

冬十月乙亥臧孫紇出奔邾 晉人殺欒盈 齊侯襲莒

二十有四年

○春叔孫豹如晉 仲孫羯帥師侵齊

○夏楚子伐吳

秋七月甲子朔日有食之既 齊崔杼帥

師伐莒 大水

八月癸巳朔日有食之 公會晉侯宋

公衛侯鄭伯曹伯莒子邾子滕子薛伯杞伯小邾子于夷儀

○冬楚子蔡侯陳侯許男伐鄭 公至自會陳鍼宜咎出奔楚 叔孫豹如京師

春秋  
大饑

二十有五年

春齊崔杼帥師伐我北鄙

夏五月乙亥齊崔杼弑其君光 公會晉

侯宋公衛侯鄭伯曹伯莒子邾子滕

子薛伯杞伯小邾子于夷儀

六月壬子鄭公孫舍之帥師入陳

秋八月己巳諸侯同盟于重丘 公至自

會 衛侯入于夷儀 楚屈建帥師

滅舒鳩

冬鄭公孫夏帥師伐陳

十有二月吳子遏伐楚門于巢卒

二十有六年

春王二月辛卯衛甯喜弑其君剽 衛孫

林父入于戚以叛 甲午衛侯衎復

歸于衛

夏晉侯使荀吳來聘 公會晉人鄭良霄

宋人曹人于澶淵

秋宋公殺其世子痤 晉人執衛甯喜

八月壬午許男甯卒于楚

○冬楚子蔡侯陳侯伐鄭 葬許靈公

二十有七年

○春齊侯使慶封來聘

○夏叔孫豹會晉趙武楚屈建蔡公孫歸生

衛石惡陳孔奐鄭良霄許人曹人于

宋 衛殺其大夫甯喜 衛侯之弟

鱄出奔晉

秋七月辛巳豹及諸侯之大夫盟于宋

冬十有二月乙亥朔日有食之

二十有八年

春無冰

夏衛石惡出奔晉 邾子來朝

秋八月大雩 仲孫羯如晉

冬齊慶封來奔

十有一月公如楚

十有二月甲寅天王崩 乙未楚子昭

卒

二十有九年

春王正月公在楚

夏五月公至自楚 庚午衛侯行卒 閏

弒吳子餘祭。仲孫羯會晉荀盈齊

高止宋華定衛世叔儀鄭公孫段曹

人莒人滕人薛人小邾人城杞。晉

侯使士鞅來聘。杞子來盟。吳子

使札來聘。

秋九月葬衛獻公 齊高止出奔北燕

冬仲孫羯如晉

三十年

春王正月楚子使遠罷來聘

夏四月蔡世子般弒其君固

五月甲午宋災宋伯姬卒 天王殺其

弟佞夫 王子瑕奔晉

秋七月叔弓如宋葬宋共姬 鄭良霄出

奔許自許入于鄭鄭人殺良霄

冬十月葬蔡景公。晉人、齊人、宋人、衛人、鄭人、曹人、莒人、邾人、滕人、薛人、杞人、小邾人會于澶淵。宋災故。

三十有一年

春王正月

夏六月辛巳公薨于楚宮。

秋九月癸巳子野卒。己亥仲孫羯卒。

冬十月滕子來會葬。癸酉葬我君襄公。

十有一月莒人弒其君密州。

昭公

元年

春王正月公即位。叔孫豹會晉趙武、楚

公子圍、齊國弱、宋向戌、衛齊惡、陳公

子招、蔡公孫歸生、鄭罕虎、許人、曹人

于號。會盟尋東盟。書周先楚。雖重信志。晉以信為。主春秋不書盟。每書先楚武。

三月取鄆

夏秦伯之弟鍼出奔晉。

罪秦伯也。而鍼亦有自取之禍焉。

六月丁巳邾子華卒。晉荀吳帥師敗

圍穀而書卒不卒也  
而止其罪權輕重也  
其甚懼之甚也

狄于大鹵 左曰崇卒也

秋莒去疾自齊入于莒 莒展與出奔吳

用莒為叔弓帥師疆郟田 葬邾悼公

冬十有一月己酉楚子麇卒 楚公子比

出奔晉 書比出奔則圍穀之罪以著矣

二年

春晉侯使韓起來聘 易象與春秋同禮書在魯向非知

夏叔弓如晉 郊勞辭既竟致館辭食茶也信禮之器也禮

秋鄭殺其大夫公孫黑

少姜女子而往男也晉人  
薛方復復夫孔安動  
避國兆于此矣

三年

冬公如晉至河乃復季孫宿如晉

春王正月 丁未滕子原卒

夏叔弓如滕

五月葬滕成公

秋小邾子來朝 季氏殺早之穆叔不可

八月大雩 左曰旱也

冬大雨雹 北燕伯款出奔齊

四年

先書楚子傷中國之  
益哀也不殊淮夷見  
在云之是別也

吳晉同姓而因盟之國  
也遂見伐矣執齊慶  
封為齊討賊也假之  
也滅賴暴也

作車三下也舍軍則  
四分之二季子擇二仲叔各  
一而合為左右二軍也

若未討叛則復挾  
詐以敗之

春王正月大雨雹

夏楚子蔡侯陳侯鄭伯許男徐子滕子頓

子胡子沈子小邾子宋世子佐淮夷

會于申。楚人執徐子。示威也

秋七月楚子蔡侯陳侯許男頓子胡子沈

子淮夷伐吳執齊慶封殺之遂滅賴

九月取郟。郟已滅於苦魯魯乘苦亂而取之苦也

冬十有二月乙卯叔孫豹卒

五年

春王正月舍中軍。楚殺其大夫屈申

公如晉

夏莒牟夷以牟婁及防茲來奔。季孫豹叛舍其利也

秋七月公至自晉。戊辰叔弓帥師敗莒

師于蚡泉。秦伯卒

冬楚子蔡侯陳侯許男頓子沈子徐人越

人伐吳。越器見注

六年

春王正月杞伯益姑卒。葬秦景公



夏季孫宿如晉 葬杞文公 宋華合比

出奔衛

秋九月大雩。楚遠罷帥師伐吳。再不得志于吳 遂肆毒陳蔡

冬叔弓如楚。通好也齊侯伐北燕

七年

春王正月暨齊平。

三月公如楚。叔孫舍如齊涖盟

夏四月甲辰朔日有食之

秋八月戊辰衛侯惡卒

九月公至自楚

冬十有一月癸未季孫宿卒

十有二月癸亥葬衛襄公

八年

春 陳侯之弟招殺陳世子偃師

夏四月辛丑陳侯溺卒。叔弓如晉。楚

人執陳行人干徵師殺之。陳公子

留出奔鄭

秋蒐于紅。陳人殺其大夫公子過。大

雩

冬十月壬午楚師滅陳執陳公子招放之

于越殺陳孔奭 葬陳哀公

九年

春叔弓會楚子于陳 許遷于夷

夏四月陳災

秋仲孫矍如齊

冬築郎囿

十年

春王正月

夏齊欒施來奔

秋七月季孫意如叔弓仲孫矍帥師伐莒

戊子晉侯彪卒

九月叔孫舍如晉葬晉平公

十有二月甲子宋公成卒

十有一年

春王二月叔弓如宋葬宋平公

夏四月丁巳楚子虔誘蔡侯般殺之于申

楚公子棄疾帥師圍蔡

五月甲申夫人歸氏薨。大蒐于比蒲。

仲孫矍會邾子盟于祲祥

。秋季孫意如會晉韓起齊國弱宋華亥衛

北宮佗鄭罕虎曹人杞人于厥慙

九月己亥葬我小君齊歸

冬十有一月丁酉楚師滅蔡執蔡世子有

以歸用之

十有二年

春齊高偃帥師納北燕伯于陽

三月壬申鄭伯嘉卒

。夏宋公使華定來聘。公如晉至河乃復

五月葬鄭簡公。楚殺其大夫成熊

秋七月

冬十月公子慙出奔齊。楚子伐徐。晉

伐鮮虞

十有三年

。春叔弓帥師圍費。

夏四月楚公子比自晉歸于楚弑其君虔

于乾谿 楚公子棄疾殺公子比

秋公會劉子晉侯齊侯宋公衛侯鄭伯曹

伯莒子邾子滕子薛伯杞伯小邾子

于平丘

八月甲戌同盟于平丘。公不與盟。

晉人執季孫意如以歸 公至自會

蔡侯廬歸于蔡陳侯吳歸于陳

冬十月葬蔡靈公 公如晉至河乃復

吳滅州來

十有四年

春意如至自晉

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

十有五年

春王正月吳子夷末卒

二月癸酉有事于武宮籥入叔弓卒去

樂卒事

夏蔡朝吳出奔鄭

六月丁巳朔日有食之

秋晉荀吳帥師伐鮮虞

冬公如晉

十有六年

春齊侯伐徐

楚子誘戎蠻子殺之

景帝信也內不活而事外師出無名况又受賂而还乎

夏公至自晉

秋八月己亥晉侯夷卒

九月大雩

季孫意如如晉

共莖事也

冬十月葬晉昭公

十有七年

春小邾子來朝

因賊害自義而知其國之不久昭子之先見也或謂其知礼而昭子贊之

夏六月甲戌朔日有食之

秋邾子來朝

古之官制由邾子而得傳于世

八月晉荀吳帥師滅陸渾之戎

冬有星孛于大辰。楚人及吳戰于長岸。  
十有八年

春王三月曹伯須卒

夏五月壬午宋衛陳鄭災

六月邾人入郟

秋葬曹平公

冬許遷于白羽

十有九年

春宋公伐邾

夏五月戊辰許世子止弒其君買 己卯

地震

秋齊高發帥師伐莒。

冬葬許悼公

二十年

春王正月

夏曹公孫會自鄆出奔宋

秋盜殺衛侯之兄縶

冬十月宋華亥向寧華定出奔陳

十有一月辛卯蔡侯廬卒

二十有一年

春王三月葬蔡平公

夏晉侯使士鞅來聘。宋華亥向寧華定

自陳入于宋南里以叛

秋七月壬午朔日有食之

八月乙亥叔輒卒

冬蔡侯朱出奔楚。公如晉至河乃復

二十有二年

春齊侯伐莒。宋華亥向寧華定自宋南

里出奔楚。大蒐于昌間。三書蒐者強臣  
弄兵而危公也

夏四月乙丑天王崩

六月叔鞅如京師。葬景王。王室亂

劉子單子以王猛居于皇

秋劉子單子以王猛入于王城

冬十月王子猛卒

十有二月癸酉朔日有食之

二十有三年

春王正月叔孫舍如晉 癸丑叔鞅卒

。晉人執我行人叔孫舍。晉人圍郊

夏六月蔡侯東國卒于楚

秋七月莒子庚與來奔 戊辰吳敗頓胡

沈蔡陳許之師于雞父胡子髡沈子

逞滅獲陳夏齧 天王居于狄泉尹

氏立王子朝

八月乙未地震

冬公如晉至河有疾乃復

二十有四年

春王二月丙戌仲孫矍卒 叔孫舍至自

晉一事再見者率名以此書姓氏賢之也舍之執非其罪且以礼自衛終不辱國固不可與意如同也

夏五月乙未朔日有之

秋八月大雩 丁酉杞伯郁釐卒

冬吳滅巢 葬杞平公

二十有五年

春叔孫舍如宋

夏叔詣會晉趙鞅宋樂大心衛北宮喜鄭



游吉曹人邾人滕人薛人小邾人于  
黃父 有鸚鵡來巢 記异

秋七月上辛大雩季辛又雩

九月己亥公孫于齊次于陽州 齊侯

唁公于野井 弔也言罪且忘大義而崇微禮也

冬十月戊辰叔孫舍卒

十有一月己亥宋公佐卒于曲棘

十有二月齊侯取鄆 不勝伐魯以納之而徒取鄆以居公何也

二十有六年

春王正月葬宋元公

三月公至自齊居于鄆 失守宗廟而猶書王者存公也

夏公圍成 書公圍見齊為義之不終也

秋公會齊侯莒子邾子杞伯盟于鄆陵 公也

公至自會居于鄆

九月庚申楚子居卒

冬十月天王入于成周 尹氏召伯毛伯

以王子朝奔楚

二十有七年

父子相叛世濟其惡

不礼于齊而亦晉臣  
除其季子如故不使  
入國也

季子自乾侯歸責晉也

春公如齊公至自齊居于鄆

夏四月吳弒其君僚 楚殺其大夫卻宛

秋晉士鞅宋樂祁犁衛北宮喜曹人邾人

滕人會于扈 命成周具其餼餼受賂不餉而無賈  
餉者成周之全行也故列序而不略

冬十月曹伯午卒 邾快來奔 公如齊

公至自齊居于鄆 保而不餉齊景子為言不直力也

二十有八年

春王三月葬曹悼公 公如晉次于乾侯

夏四月丙戌鄭伯寧卒

六月葬鄭定公

秋七月癸巳滕子寧卒

冬葬滕悼公

二十有九年

春公至自乾侯居于鄆 齊侯使高張來

唁公 公如晉次于乾侯 再求晉而不餉

夏四月庚子叔詣卒

秋七月

冬十月鄆潰 民逃其上地難守氏道者而公之無德以及民可  
知自是而後一民尺土矣

地也

三十年

春王正月公在乾侯晉首必書存也亦罪李也

夏六月庚辰晉侯去疾卒

秋八月葬晉頃公

冬十有二月吳滅徐徐子章羽奔楚

三十有一年

春王正月公在乾侯季孫意如會晉荀

躒于適歷出君不討而冠之以會禮

夏四月丁巳薛伯穀卒晉侯使荀躒唁

公于乾侯勸公歸國非本心也故書唁以著其詐

秋葬薛獻公

冬黑肱以濫來奔季孫當國叛人以類而至矣

十有二月辛亥朔日有食之

三十有二年

春王正月公在乾侯取闕不為秦晉之會而僅取闕

夏吳伐越

秋七月

冬仲孫何忌會晉韓不信齊高張宋仲幾

昭有勳之信以授之  
季子氏耳

衛世叔申鄭國參曹人莒人薛人杞  
人小邾人城成周不書城京師而曰成周與列國等矣

十有二月己未公薨于乾侯言其地

定公

元年

春王

不書正月即位之月不與季氏叛也昭不止終之不止始

三月晉人執宋仲幾于京師難王討狄于京師王在王也

夏六月癸亥公之喪至自乾侯戊辰公即位

秋七月癸巳葬我君昭公

九月大雩立煬宮煬公伯禽子考公弟祧已久矣昭

冬十月隕霜殺菽也死于外季祀神祐而立之也

二年

春王正月

夏五月壬辰雉門及兩觀災因災以著僭

秋楚人伐吳

冬十月新作雉門及兩觀僭王制而不欲平也以詳示季氏之僭王耶

三年

春王正月公如晉至河乃復至如為也

二月辛卯邾子穿卒

夏四月

秋葬邾莊公

冬仲孫何忌及邾子盟于拔忌大夫盟諸侯邾子在表而與盟

四年

春王二月癸巳陳侯吳卒

三月公會劉子晉侯宋公蔡侯衛侯陳

子鄭伯許男曹伯莒子邾子頓子胡

子滕子薛伯杞伯小邾子齊國夏于

楚為無道秦請師於晉請命于周之合諸侯而天子之元老在焉庶幾乎王者之事桓文之功稱矣苟而求貨于秦而弗得遂拜秦使由是失諸侯也乃卒而還

召陵侵楚傳稱謀伐楚之徑書侵隨之也

夏四月庚辰蔡公孫姓帥師滅沈以沈子

嘉歸殺之沈不食于召陵秦滅沈奉晉命也

五月公及諸侯盟于臯鼬杞伯成卒

于會

六月葬陳惠公許遷于容城

秋七月公至自會劉卷卒葬杞悼公

楚人圍蔡晉士鞅衛孔圉帥師伐

鮮虞葬劉文公

楚圍蔡滅沈故也黃晉不救

取為此會以定信故書及諸侯不序以召陵歎治楚而不救也

吳稱子壽伐楚解秦  
圍也秦用吳師將事  
曰者深非晉人保和  
秦難於救秦也  
秦秦瓦全員以敗國又不  
能死故能而稱人

秦為楚圍諸侯不救既  
破楚則相亦不歸果  
焉

鄭背晉召陵之盟故晉  
命討之晉時陽虎當  
權道進皆不由也

齊魯取鄭以居昭公圍  
而取之陽虎殺頃季氏

冬十有一月庚午蔡侯以吳子及楚人戰

于柏舉楚師敗績楚囊瓦出奔鄭

庚辰吳入郢救交也郢則進而書郢也命也宋  
約律滿則退而舉焉奉天討也

五年

春王三月辛亥朔日有食之

夏歸粟于蔡。於越入吳。吳在郢而越入魯伏可  
畏吳之亡也時勝之道也

六月丙申季孫意如卒

秋七月壬子叔孫不敢卒

冬晉士鞅帥師圍鮮虞不義而逞忿

六年

春王正月癸亥鄭游速帥師滅許以許男

斯歸曾太岳之後

二月公侵鄭 公至自侵鄭

夏季孫斯仲孫何忌如晉

秋晉人執宋行人樂祁犁范獻之私也

冬城中城。季孫斯仲孫忌帥師圍鄭

七年

春王正月

夏四月

秋齊侯鄭伯盟于鹹 齊人執衛行人北

宮結以侵衛 齊侯衛侯盟于沙

大雩 齊國夏帥師伐我西鄙

九月大雩

冬十月

八年

春王正月公侵齊 公至自侵齊

二月公侵齊

三月公至自侵齊 曹伯露卒

夏齊國夏帥師伐我西鄙 公會晉師于

瓦 公至自瓦

秋七月戊辰陳侯柳卒 晉士鞅帥師侵

鄭遂侵衛 葬曹靖公

九月葬陳懷公 季孫斯仲孫何忌帥

師侵衛

冬衛侯鄭伯盟于曲濮 從祀先公 盜

竊寶玉大弓

九年

春王正月

夏四月戊申鄭伯蠆卒 得寶玉大弓

六月葬鄭獻公

秋齊侯衛侯次于五氏 秦伯卒

冬葬秦哀公

十年

春王三月及齊平

夏公會齊侯于夾谷 公至自夾谷 晉趙

鞅帥師圍衛 齊人來歸鄆謹龜陰

田 叔孫州仇仲孫何忌帥師圍郕

秋叔孫州仇仲孫何忌帥師圍郕 宋樂

大心出奔曹 宋公子地出奔陳

冬齊侯衛侯鄭游速會于安甫 叔孫州

仇如齊 宋公之弟辰暨仲佗石彊

出奔陳

十有一年

春宋公之弟辰及仲佗石彊公子地自陳



入于蕭以叛

夏四月

秋宋樂大心自曹入于蕭

冬及鄭平叔還如鄭涖盟

十有二年

春薛伯定卒

夏葬薛襄公。叔孫州仇帥師隨郕。衛

公孟彊帥師伐曹。季孫斯仲孫何

忌帥師墮費。

秋大雩

冬十月癸亥公會齊侯盟于黃

十有一月丙寅朔日有食之。公至自黃

黃

十有二月公圍成。公至自圍成

十有三年

春齊侯衛侯次于垂葭

夏築蛇淵囿。大蒐于比蒲。衛公孟彊

帥師伐曹

秋晉趙鞅入于晉陽以叛

冬晉荀寅士吉射入于朝歌以叛 晉趙

鞅歸于晉 薛弒其君比

十有四年

春衛公叔戌來奔 衛趙陽出奔宋

二月辛巳楚公子結陳公孫佗人帥師

滅頓以頓子牂歸

夏衛北宮結來奔

五月於越敗吳于檇李吳子光卒 公

會齊侯衛侯于牽 公至自會

秋齊侯宋公會于洮 天王使石尚來歸

脰 衛世子蒯聩出奔宋 衛公孟

彊出奔鄭 宋公之弟辰自蕭來奔

大蒐于比蒲 邾子來會公 城莒

父及霄

十有五年

春王正月邾子來朝 麋鼠食郊牛牛死

改卜牛

二月辛丑楚子滅胡以胡子豹歸

夏五月辛亥郊 壬申公薨于高寢 鄭

罕達帥師伐宋 齊侯衛侯次于渠

蔭 邾子來奔喪

秋七月壬申妣氏卒

八月庚辰朔日有食之

九月滕子來會葬丁巳葬我君定公雨

不克葬戊午日下具乃克葬 辛巳

葬定妣

冬城漆

哀公

元年

春王正月公即位 楚子陳侯隨侯許男

圍蔡 麇鼠食郊牛改卜牛

夏四月辛巳郊

秋齊侯衛侯伐晉 晉受眾伐伯統亡夫

冬仲孫何忌帥師伐邾

二年

不報德言高釋憾于  
蔡志在蔡也

伐國取地盟其君而  
不與通越之辱非  
矣

○春王二月季孫斯叔孫州仇仲孫何忌帥師

伐邾取濼東田及沂西田 癸巳叔孫

州仇仲孫何忌及邾子盟于句繹

夏四月丙子衛侯元卒 滕子來朝 晉趙

鞅帥師納衛世子蒯聩于戚 不表父喪而爭國

秋八月甲戌晉趙鞅帥師及鄭罕達帥師戰

于鐵鄭師敗績

冬十月葬衛靈公

十有一月蔡遷于州來蔡殺其大夫公

子駟

三年

春齊國夏衛石曼姑帥師圍戚 戚在戚而無圍之可乎

夏四月甲午地震

五月辛卯桓宮僖宮災 季孫斯叔孫

州仇帥師城啓陽 宋樂髡帥師伐

曹

秋七月丙子季孫斯卒 蔡人放其大夫

公孫獵于吳

冬十月癸卯秦伯卒叔孫州仇仲孫何

忌帥師圍邾 盟方逾年而棄之

四年

春王二月庚戌盜殺蔡侯申 蔡公孫辰

出奔吳 葬秦惠公 宋人執小邾

子

夏蔡殺其大夫公孫姓公孫霍 晉人執

戎蠻子赤歸于楚 城西邾

六月辛丑亳社災

秋八月甲寅滕子結卒

冬十有二月葬蔡昭公 葬滕頃公

五年

春城毗

夏齊侯伐宋 晉趙鞅帥師伐衛

秋九月癸酉齊侯杵臼卒

冬叔還如齊 閏月葬齊景公

六年

春城邾瑕 晉趙鞅帥師伐鮮虞 吳伐

陳

夏齊國夏及高張來奔

叔還會吳于柎

秋七月庚寅楚子軫卒

齊陽生入于齊

齊陳乞弒其君荼

冬仲孫何忌帥師伐邾

宋向巢帥師伐

曹

七年

春宋皇瑗帥師侵鄭

晉魏曼多帥師侵

衛

夏公會吳于郕

大國不以禮破之天猶其心賢者蓋人國也

秋公伐邾

八月己酉入邾以邾子益來

齊人圍曹

冬鄭駟弘帥師救曹

八年

春王正月宋公入曹以曹伯陽歸

吳伐

我

夏齊人取謹及闡

略而害取謹也

歸邾子益于邾

不積也

秋七月

冬十有二月癸亥杞伯過卒。齊人歸讙及闡。日歸順葬也。去逆效順。息爭。休兵。以歸。和于故也。

九年

春王二月葬杞僖公。宋皇瑗帥師取鄭

師于雍丘

夏楚人伐陳

陳以三後故。即吳而楚人伐之。

秋宋公伐鄭

冬十月

十年

春王二月邾子益來奔。公會吳伐齊

三月戊戌齊侯陽生卒

夏宋人伐鄭。晉趙鞅帥師侵齊

五月公至自伐齊。葬齊悼公。衛公

孟彊自齊歸于衛。薛伯夷卒

秋葬薛惠公

冬楚公子結帥師伐陳。吳救陳。陳者楚之罪而傷中國之哀也。

十有一年

春齊國書帥師伐我。魯會天伐齊。師故伐我。有厥致師。自厚。可所。幸。求。用。示。義。也。軍。無。挫。

諸侯不伐。本有不善。四節者。善伐我。曲在我。

由躬惟

夏陳轅頗出奔鄭

五月公會吳伐齊 甲戌齊國書帥師

及吳戰于艾陵齊師敗績獲齊國書

秋七月辛酉滕子虞母卒

冬十有一月葬滕隱公 衛世叔齊出奔

宋

十有二年

春用田賦

藉田以出粟軍賦則由商以商賦加農困重國本亡  
用者宜用書法隱而章

夏五月甲辰孟子卒 公會吳于橐臬

可盟亦可寒日盟復  
何益此乃賢者功  
談笑而却敵

談笑而却敵子貢  
之力也為吳吳為  
衛衛未乃得言

秋公會衛侯宋皇瑗于鄆 宋向巢帥師

伐鄭

冬十有二月螽

十有三年

春鄭罕達帥師取宋師于訾

夏許男成卒。公會晉侯及吳子于黃池

楚公子申帥師伐陳。於越入吳

秋公至自會 晉魏曼多帥師侵衛 葬

許元公



九月螽

冬十有一月有星孛于東方 盜殺陳夏

區夫

十有二月螽

十有四年

○春西狩獲麟

春秋終

